

Էրթանք սարերը սեյրան

1. Ման արի մանիդ մեռնեմ,
Մանդրը տերև ըռեհան,
Քո չինար բոյիդ մեռնեմ,
Էրթանք սարերը սեյրան:

Էրթանք սարերը սեյրան,
Տեսնենք՝ ու՞մ յարն է ջեյրան:
2. Ես դու՛շ եմ թերս դեղին,
Մանդրը տերև ըռեհան,
Ման գուկան նանիս գեղին:
Էրթանք սարերը սեյրան:

Էրթանք սարերը սեյրան,
Տեսնենք՝ ու՞մ յարն է ջեյրան:
3. Ծաղիկ ես փնջի միջին,
Մանդրը տերև ըռեհան,
Անու՛շ կաթ՝ սընձի միջին:
Էրթանք սարերը սեյրան:

Էրթանք սարերը սեյրան,
Տեսնենք՝ ու՞մ յարն է ջեյրան:
4. Խնձոր ես ծառի վրա,
Մանդրը տերև ըռեհան,
Ծաղիկ ես սարի վրա:
Էրթանք սարերը սեյրան:

Էրթանք սարերը սեյրան,
Տեսնենք՝ ու՞մ յարն է ջեյրան:

5. Արև ելավ էն սարից,
Մանդրը տերև ըռեհան,
Կաքավ կանչեց էն քարից:
Էրթանք սարերը սեյրան:

Էրթանք սարերը սեյրան,
Տեսնենք՝ ու՞մ յարն է ջեյրան: